

Enformaziuns y Comunicaziuns

San Mocherá: Le Grup dai Jogn d'Al Plan organisèia ince eniann da jí a fá San Mocherá fora por les ciases, ai 5 y 6 de dezèmbel. Chi co á enteres, é bel periès da se lascé adentène pa Victor Obojes al nr. 334/3395865.

Marcé: Le Grup Franz Xaver envièia dèr bel al picio marcé de solidarieté, co vèn tigní te salf de calogna basete. Al é davert en vèndres ai 8 de dezèmbel do la gran mëssa cina ales 12:30 y da sèra dales 17:30 ales 19:30. La sabeda ai 9 de dezèmbel é davert da sèra dales 17:30 ales 19:30. Ci co vèn ete jará desco dagnora por en bun fin. Iolan.

Solidarieté: Ai 9 y ai 10 de dezèmbel vègnel motü da jí te nosta ploania na aziun de solidarieté por i mituns dal pael (Schmetterlingskinder). Te salf dla Raiffeisen sarál la sabeda ai 9 de dezèmbel dales 17:00 ales 20:00 y la domègna ai 10 de dezèmbel dales 10:00 ales 13:00 la poscibilitè da dé en aiüt de bona man. Vigne spènora é bènodüda y gnará rotüda con na scincunda fata a man. Iolan belo danfora a düc.

Conzert/1: En vèndres ai 8 de dezèmbel ales 16:00 é te dljia d'La Val en Cianté y soné d'Advènt. Al sará da aldí le Cor dles ères Raièta, le grup "s'Singaquartetti", la "Soatnmusig", le Vocalensemble La Pli y en grup de stromonc a fle d'La Val. Tesé meditatifs vèn portés dant da Magdalena Miribung.

Conzert/2: En sabeda ai 9 de dezèmbel ales 20:00 é te dljia d'Al Plan en conzert d'Advènt sot al titul "Revelaziuns", con le cor de stüdünc da Víena "cantus iuvenis" sot la direziun de André Comploi, deboriada con le Freiburger Saxophonensemble sot la direziun de Christoph Kirschke. Le medemo conzert vèn pité ince en domègna ai 10 de dezèmbel ales 15:00, tla dljia dai capuzineri a Porsenú.

KVW: Le KVW envièia vèdoes, vèdoi y porsones sores da jí en sabeda ai 16 de dezèmbel ales 14:00 tla mensa dal KVW da Bornech a na bela festa da Nadé. Al é da se prenoté pa Tresele al nr. 0474/501397 anter i 14 de dezèmbel.

Dotur: Le dotur Edo Agreiter lascia alessèi che al é demez dai 5 ai 7 de dezèmbel. Al vèn sostitüí dla doturia Mahlknecht, co é da ciáf al 349/0667034.



La comunité d'Al Plan ti aoda döt le bun, sanité y benedisciun ai geniturs **Hannes Taibon y Sara Campej** por le Bato de picia **LENA**.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sèra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: **Signor Heinrich Perathoner**
E-Mail: ploaniaalplan@gmail.com

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA

www.unitepastorala.org

Ann B

03.12.2017 - Pröma Domègna d'Advènt

nr. 1

Stede muntri!

Dal Vagnele do San Merch 13, 24 - 37

Metede averda, y stede muntri! Deach'i ne sèis nia, canche le tomp é atló. ³⁴Ara é desco con en èl co á lascé sōa ciasa, por se mèter sōle iade: Al ti á sorandé dōta la responsabilitè a sū fanc, a vignönn so laûr; le portier ál comané da sté munter. ³⁵Porchèl stede muntri! Deache i ne sèis nia, canche le patrun de ciasa vèn endō, sce da sèra o a mesanet, canche le ial cianta o da doman. ³⁶Al ne dess nia, canch'al vèn t'en iade, s'abiné tal som. ³⁷Ci ch'i se diji a os, chèl i diji a düc: Stede muntri!


Parora dal Signur! - Lalt a te, Gejú Crist!



Le VèSCO á dit...

Os sèis viziès dal Creatur. Dauride prèibel i edli. A os s'él gnü sorandé y afidé önn dai plü bi toc dla creaziun. Aprijede cōsta scincunda. Degügn de os n'á mossü fá val' por cōsta morvèia. Cōsta scincunda se damana reconescionza, la porsona reconescionta é al'altèza da tó sō la scincunda. Desco vèSCO mo crüzi te nosta diozeja y provinzia ch'i sun aüsès da pretène demassa. La porsona reconescionta ne pretènn nia, ara dij iolan.

**VèSCO Ivo Muser, pla funziun de
concluiun dla Vijita Pastoralá sō Oies**



"Festejé l'Advènt ô dí sèi da aspeté; aspeté é na èrt, che nosc tomp despaziont s'á desmoncé. (...) Ales cosses plü granes, tifes y fines dal monn, messunse aspeté."

Dietrich Bonhoeffer

Domègna: 03.12.2017: 1. Domègna d'Advent: S.Franz Xaver



- 8.30:** S.M. a La Pli
9.15: Proa dai scolari
10.00: Rorate por les Families
con benediscion dles gherlandes d'Advënt
18.00: S.M. por +nt Erlacher Carlo, dal Craizer
S.M. aniv. por +nt Raimondo Dalla Santa
S.M. por +nta Complou Judita
S.M. aniv. por +nt Kaneider Pire
19.00: Al vegn soné ete l'Advënt: Oraziun te Familia

Lön. 04.12: Feria dla 1. de Advënt: Sa. Barbara

- 19.30:** Rorate por +nt Heinrich Ties
Rorate por +nt Paul Trebo dal Sauter
(Herta y Jasmin)

Dédol. 05.12: Feria dla 1. de Advënt: S.Reginhard, S.Anno

- 19.30:** Corona por le monn dal laur

Dédem 06.12: Feria dla 1. edema de Advënt: S.Mocherá, Sa.Henrika

- 19.30:** Rorate por +nta Pisching Ida de Candido
Rorate por +nt Kurt Huber (Markus Erlacher)

Jöbia 07.12: Veia de Sa.Maria Immacolata: S.Ambrosius, S.Gerald

- 18.00:** S.M. en rengr, suplica y onú de Santa Maria
por la Ploania d'Al Plan

Vëndr.08.12: Festa de Santa Maria Immacolata: Sa.Edith, Sa.Sabina

- 9.30:** Proa dal cor dles ères
10.00: Rorate por la Uniun dles Ères (cor dles ères)
18.00: S.M. por +nc' dla Fam. Taibon - Brugger
S.M. por +nt Hermann Craffonara, Roalta
S.M. por +nc' Josef y Maria Kosta

15.00: Ora de oraziun

Sab.09.12: Sa.Maria in sabato – Advënt: S.Diego, Sa.Hanna

N.B.: 17.00: Rorate por la Musiga (Musiga)

Rorate por i Scizeri

20.00: Concert d'Advënt te dljia: Coro Cantus Juvenis

Dom.10.12: II. Domègna d'Advent: S.Bruno, Sa.Angelina

Oferta por i bojügns dla ploania

- 8.30:** S.M. a La Pli
9.30: Oraziun dla domègna: tomp d'Advënt
10.00: Rorate por KVW, Uniun de S.Vinzenz (cor de Dljia)
Rorate por la Uniun Miscion. Franz Xaver
14.00: Funziun dal Bato: Lena Campej
18.00: S.M. aniv. por +nt Eckhard Taibon
S.M. aniv. por +nta Hilde Feichter, Valciapa
S.M. por +nt Bonifaz Oberbacher dal Lehrer
S.M. de rengr. en onú de S.Ojöp da Ojes
por la defenüda dla roa de Badia



Advënt

Nos aspetun, mo nosc aspeté é speranza.
(Friedrich von Bodelschwingh)

Da coraje y acorc

Les ciandères dla gherlanda d'Advënt te ciasa é löms de speranza. Ares é ince en sègno de nosta desponibilitè da fá le monn luminus; che val'cosses podéss nes scialtrí. Le tomp d'Advënt nes pita en program spiritual de encorajamont. Nos jun le tru dal popul d'Israel, che dla desperaziun y dal alontanamont de Dio ciafa empó endò crèta tla bonté dal Signur. "Y empó éste tö, Signur, nosc Pere. Nos sun l'arjila, y tö le vasá; nos düc sun l'opera de töes mans." (1a letöra)
Paul scii ai Corinc dla fedelté de Chèl Bel Dio: "Èl ves fajará ince stersc cina ala fin ..." (2a letöra)
Le Vagnele nes porta con la pilora dai fanc acorc a na desponibilitè nea por le Nadé dal Signur.

I ponsun do:

I ne savun nia canche Idio nes cherda a dé cunt de nosta vita. Al pó belo ester endoman; al pó ince ciamó döré trec agn. Emportant édì madèr, che i adempliunse nosc dovèi, che le Signur nes á assegné, y ch'i sunse entres arjignés por Èl. Cösc ó dí: vire do söa orenté, scinché amur, chirí comunité, renforzé la speranza, y ensciö belo cambié en pü le monn.

I periun:

Dio onipotènt, te Gejú Crist aste belo motü man, da cambié le monn. Tal scomenciamont dal Advënt te periunse: Láscesse ester acorc a töa orenté y fá fora de nos colaboradusc y colaboradésses plèns de coraje por to Règn. Por Crist, nosc Signur.
(Sonntags-Bibel dal Vésco Wilhelm Egger)

Sorvisc dai Ministronc

Lönesc 04/12 (19:30h), Dédemesaledema 06/12 (19:30h): Claudia y Susan Kaneider;
Jöbia 07/12 (18:00h): Roman y Tomas Oberlechner, Philip Palfrader, Serena Alessandri, Caspar y Moriz Videsott;
Vëndres 08/12 (10:00h): Matteo Huber, Moltina y Luianta Clara, Chantal Feichter, Elisa Frenademetz, Michael Leimegger, Isabel y Sandra Ties, Sofia Willeit;
Vëndres 08/12 (18:00h): Mattia Leggio, Jan Paul Promberger, Linda y Max Clara, Lisa Complou, Lisa Maneschg, Jasmin y Martina Ties;
Sabeda 09/12 (17:00h): Sofia Castlunger, Emma Daverda, Lucy Call, Giada y Ginevra Regis, Jan Ties;
Domègna 10/12 (10:00h): Sofia Alberti, Lara Fappani, Fabian y Matthias Kaneider, Hannes y Lara Ploner, Stefan y Thomas Palfrader;
Domègna 10/12 (18:00h): André Castlunger, Simon Complou, Anna y Matteo Sottrovisch, Max y Moriz Trebo
N. B.: Düc i ministronc é entres bëgnodüs da gní a sorví, ince sce ai n'é nia scric sö!



GEBETSMEINUNG
DES PAPSTES FÜR

Dezember

Wir beten um
Die Weisheit der Älteren –
 Dass die älteren Menschen, von Familien und christlichen Gemeinschaften aufrechterhalten, ihre Weisheit und Erfahrung um die Verbreitung des Glaubens und die Bildung der neuen Generationen einbringen können.

